



PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
**Ustavno - pravna komisija**  
Broj: 01/1-011-1621/03  
Sarajevo, 17. i 19.11.2003.

## **Z A P I S N I K** **sa 18. sjednice Ustavno - pravne komisije**

Sjednica je održana 17.11.2003. godine s početkom u 11,00 sati.

Sjednici su prisustvovali članovi Komisije:

- |                      |   |
|----------------------|---|
| 1. Mirsad Ćeman      | 6. Nijaz Duraković, koji je napustio sjednicu |
| 2. Martin Raguž      | 7. Petar Kunić,                               |
| 3. Tihomir Gligorić  | 8. Beriz Belkić, koji je napustio sjednicu i  |
| 4. Seada Palavrić    | 9. Ivo Miro Jović.                            |
| 5. Momčilo Novaković |   |

Sjednici su prisustvovali, Mijo Katana u ime Vijeća ministara BiH, Tia Johnson i Maja Ribar iz Komisije za reformu odbrane i Nikola Špirić, predlagač Zakona, u jednom dijelu i Šefik Džaferović, zamjenik predsjedavajućeg.

Sjednici je prisustvovao sekretar Komisije Milan Zjajić i student stažista Nevena Golijanin.

Predsjedavajući Komisije Mirsad Ćeman, je pozdravio goste i članove Komisije i predložio sljedeći:

### **D N E V N I R E D**

1. Verifikacija Zapisnika sa 17. sjednice održane 06.11.2003. godine,
2. Prijedlog zakona o prekršajima Bosne i Hercegovine, predlagač Vijeće ministara BiH,
3. Prijedlog zakona o važnosti javnih isprava u Bosni i Hercegovini, predlagač Vijeće ministara BiH,
4. Prijedlog zakona o odbrani Bosne i Hercegovine, predlagač Vijeće ministara BiH,
5. Prijedlog zakona o izmjenama i dopunama Zakona o Vijeću ministara Bosne i Hercegovine, predlagač Vijeće ministara BiH
6. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagač Vijeće ministara BiH,
7. Ostala pitanja.

Predloženi dnevni red je jednoglasno prihvaćen.

#### **Ad. 1. Verifikacija Zapisnika sa 17. sjednice održane 06.11.2003. godine,**

Zapisnik sa 17. sjednice održane 06.11.2003. godine je bez primjedbi verifikovan.

#### **Ad. 2. Prijedlog zakona o prekršajima Bosne i Hercegovine,**

Nakon kraće rasprave u kojoj je član Komisije Momčilo Novaković istakao da nije ubijeđen da postoji ustavni osnov za predloženi zakon, Komisija je sa 6 glasova "za" i jednim "uzdržanim" glasom utvrdila sljedeće:

1. Postoji valjan ustavno-pravni osnov za donošenje Zakona o važenju javnih isprava u Bosni i Hercegovini,

2. Ustavni osnov sadržan je u članu II. tačka 1. i 2. i članu II Ustava Bosne i Hercegovine, tačka 2. i 3. prelazne odredbe Aneksa II na Ustav Bosne i Hercegovine, kako je i naveo predlagač i člana IV tačka 4. Ustava Bosne i Hercegovine.

3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

### **Ad. 3. Prijedlog zakona o važnosti javnih isprava u Bosni i Hercegovini,**

Član Komisije Petar Kunić je u kraćim crtama iznio primjedbe na ponuđeni tekst uz napomenu da se one trebaju otkloniti u kasnijoj fazi zakonodavnog postupka. Zatim je Komisija jednoglasno utvrdila sljedeće:

1. Postoji valjan ustavno-pravni osnov za donošenje Zakona o važenju javnih isprava u Bosni i Hercegovini,

2. Ustavni osnov sadržan je u članu I. tačka 1.; članu I. tačka 4.; članu II. Tačka 1. i 2. i članu IV tačka 4. a) Ustava Bosne i Hercegovine, kako je i naveo predlagač,

3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

### **Ad. 4. Prijedlog zakona o odbrani Bosne i Hercegovine**

Nakon prelaska na ovu tačku dnevnog reda predsjedavajući je dao riječ gospođici Džonson iz Odjela za stabilizaciju OSCE-a, koja je i član Komisije za reformu odbrane.

Tria Džonson je u iscrpnoj diskusiji upoznala članove Komisije o aspektima predloženog zakona, posebno se osvrnula pojedina rješenja.

Zatim je otvorena rasprava o principima predloženog zakona. U toj raspravi su učestvovali svi prisutni članovi Komisije, apojedini su se za riječ javljali više puta.

Članovi Komisije su sa 6 glasova "za" i sa 2 "uzdržana" glasa prihvatili principe Zakona o odbrani BiH.

Zatim se prešlo na amandmansku fazu zakonodavnog postupka u nadležnoj komisiji. Opet je otvorena široka rasprava u kojoj je pored svih članova Komisije i gospođice Džonston učestvovao i član Kolegija doma Šefik Džaferović.

Na zahtjev više članova Komisije sjednica je prekinuta u 18. časova i 20 minuta, a nastavak dogovoren za srijedu 19.11.2003. godine.

Nastavak 18. sjednica je održan 19.11.2003. godine s početkom u 11,00 časova.

Sjednici su prisustvovali članovi Komisije:

- |                      |                   |
|----------------------|-------------------|
| 1. Mirsad Ćeman      | 6. Beriz Belkić i |
| 2. Martin Raguž      | 7. Ivo Miro Jović |
| 3. Tihomir Gligorić  |                   |
| 4. Seada Palavrić    |                   |
| 5. Momčilo Novaković |                   |

Sjednici su takođe pored sekretara Milana Zjajića i studenta stažiste Nevene Golijanin, prisustvovali i Pol Bainter iz Komisije za reformu odbrane i Maja Ribar iz OHR-a.

### **Ad. 4. Prijedlog zakona o odbrani Bosne i Hercegovine (amandmanska faza)**

Nakon iscrpne, višesatne rasprave u kojoj su učestvovali svi članovi Komisije, te predstavnici međunarodnih organizacija, na nastavku sjednice, održanom 19.11.2003. godine Komisija je utvrdila sljedeće:

1. Konstatirala da su amandmane uložili Klub poslanika SNSD, poslanici: Tihomir Gligorić, Jozo Križanović, Momčilo Novaković, Mirsad Ćeman, Nenad Mišić, Ljiljana Milićević, Martin Raguž, Muhamed Moranjković i Seada Paravlić. Nakon pojedinačnog izjašnjanja Komisija je prihvatila sljedeće amandmane:

#### **AMANDMAN I**

U preambuli Prijedloga zakona, u prvoj rečenici iza riječi "člana" dodaje se: "III.5.a)".

#### **AMANDMAN II**

Iza člana 13. Prijedloga zakona u naslovu "C" riječ "Ministar" se briše, a umjesto nje stavlja se riječ "Ministarstvo", pa je naslov "C. Ministarstvo odbrane Bosne i Hercegovine".

#### **AMANDMAN III**

Nakon člana 13. dolazi novi član 14. koji glasi:

“Ministarstvo odbrane Bosne i Hercegovine nadležno je za:

- stvaranje i održavanje odbrambenog kapaciteta kako bi se obezbjedila zaštita suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine,
- predstavljanje Bosne i Hercegovine u međunarodnom odnosima vezanim za pitanje odbrane,
- nadzor nad svim subjektima Oružanih snaga Bosne i Hercegovine,
- izradu, pregled i ažuriranje odbrambene politike Bosne i Hercegovine koju odobrava Predsjedništvo Bosne i Hercegovine, a usvaja Parlamentarna skupština Bosne i Hercegovine,
- izradu i odobravanje politika i propisa u vezi sa uređenjem, administracije, obuke, opremanja i upotrebe Oružanih snaga Bosne i Hercegovine,
- obezbjeđivanje da Bosna i Hercegovina poštuje međunarodne obaveze vezane za pitanja odbrane,
- aktiviranje jedinica rezervnog sastava za sve operacije, izuzev planirane obuke,
- razmještaj ili upotrebu bilo kojeg dijela Oružanih snaga izvan Bosne i Hercegovine za sve operacije ili aktivnosti obuke,
- izdavanje instrukcija Načelniku Zajedničkog štaba Bosne i Hercegovine za upotrebu ili razmještanje jedinica Oružanih snaga unutar Bosne i Hercegovine za potrebe koje nisu obuka,
- uspostavljanje postupka za odobravanje vojne pomoći civilnim vlastima u slučaju prirodnih katastrofa i nesreća, po ovlaštenjima datim od strane Predsjedništva Bosne i Hercegovine,
- ustanovljavanje postupaka koji obezbjeđuju transparentnost funkcija Ministarstva odbrane Bosne i Hercegovine i
- ostale nadležnosti definisane u Zakonu “ .

#### **AMANDMAN IV**

Član 20. u cjelosti postaje član 16. Prijedloga zakona.

#### **AMANDMAN V**

Iza člana 16. dolazi naslov “D. Ministar odbrane Bosne i Hercegovine”.

#### **AMANDMAN VI**

Tekst člana 49. Prijedloga zakona se mijenja i glasi: “Entiteti će provoditi jedinstvenu politiku služenja vojnog roka koju donosi ministar odbrane BiH na osnovu zakona koji donosi Parlamentarna skupština Bosne i Hercegovine ”.

#### **AMANDMAN VII**

U članu 49. dodaje se novi stav 2. koji glasi: “Regruti državljani odgovarajućeg entiteta služe vojni rok u pravilu u vojsci svoga entiteta”

#### **AMANDMAN VIII**

U članu 70. dodaje se novi stav 2. koji glasi: “Odredbe iz stava 1. ovog člana ne odnose se na oficire sa bilo kojim činom koji su u profesionalnu vojnu službu vojski entiteta stupili do dana stupanja na snagu ovog zakona.”

#### **AMANDMAN IX**

Iza člana 78. Prijedloga zakona dolazi novi član čiji tekst glasi: “Parlamentarna skupština Bosne i Hercegovine, Vijeće ministara, Predsjedništvo BiH, entitetski parlamenti, Vlade, te svi subjekti odbrane na nivou entiteta i države će, u okviru vlastite ustavne i zakonske nadležnosti, provesti potrebne aktivnosti, kako bi od početka primjene ovog Zakona do kraja tranzicijskog razdoblja, bili ispunjeni uslovi za prijem Bosne i Hercegovine u članstvo NATO Saveza”.

Svi ostali amandmani su povučeni na sjednici Komisije od strane predlagača ili su odbijeni.

2. Sa 5 glasova "za", 1. glas protiv i uz 1. "uzdržan" glas prihvatila tekst Prijedloga zakona o odbrani Bosne i Hercegovine sa usvojenim amandmanima i

3. Konstatovala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Čeman.

### **Ad. 5. Prijedlog zakona o izmjenama i dopunama Zakona o Vijeću ministara Bosne i Hercegovine, predlagač Vijeće ministara BiH,**

Nakon kraće opće i rasprave o pojedinostima, Ustavno-pravna komisija je kao nadležna komisija utvrdila sljedeće:

1. Jednoglasno podržala principe predloženog zakona.
  2. Konstatirala da je jedan amandman uložio poslanik Martin Raguž.
- Komisija je jednoglasno prihvatila ponuđeni amandman, koji glasi:

#### **Amandman I**

U članu 3. Prijedloga zakona o izmjenama i dopunama Zakona o Vijeću ministara BiH, riječi na početku člana 46 a): "Do uspostavljanja novog saziva Vijeća ministara, poslije održanih narednih opštih izbora i isteka mandmata članovima Vijeća ministara," mijenjaju se riječima: "U roku od godinu dana od stupanja na snagu ovog zakona"

3. Jednoglasno prihvatila tekst Prijedloga zakona o izmjenama i dopunama Zakona o Vijeću ministara Bosne i Hercegovine sa usvojenim amandmanom i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

#### **Ad. 6. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlađač Vijeće ministara BiH,**

Nakon iscrpne, ali znatno kraće opće i rasprave o pojedinostima, Ustavno-pravna komisija je kao nadležna komisija:

1. Većinom glasova podržala principe predloženog zakona.
2. Konstatirala da je poslanik Momčilo Novaković uložio jedan amandman. Većinom glasova "protiv", Komisija nije prihvatila ponuđeni amandman.
3. Većinom glasova Komisija je prihvatila tekst Prijedloga zakona o izmjenama i dopunama Zakona o ministarstvima i drugim organima uprave Bosne i Hercegovine, kako ga je predložilo Vijeće ministara BiH i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

#### **Ad. 6. Ostala pitanja,**

Nije bilo prijedloga za ovu tačku dnevnog reda.

Pošto je dnevni red bio iscrpljen predsjedavajući je u 16,10 sati zaključio sjednicu.

SEKRETAR KOMISIJE  
**Milan Zjajić**

PREDSJEDAVAJUĆI KOMISIJE  
**Mirsad Ćeman**